



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetiis, 1647

De Tempore Paschali. 15.

urn:nbn:de:hbz:466:1-9521

nouignis benedictionem. In alijs Horis ante Missam Fer. &c. & ad Vespertas quacumque accendi debent, non ad Completorium, nisi Sabbati Sancti.

De Paschate, &c eiusdem Octaua.

Cap. XIV.

MAtutinum habetur, ut apud nos, in Ord. Romano, cum tribus Psalmis, totidem Antiphonis, Lectionibus, sine Hymno; quibus ternarijs significantur opera trium dierum, quæ Christus se promisit facturum in presenti sæculo, *Lucæ 13.* hoc est, dæmonia ejcere, sanitates perficere, & consummari tertia die: vel significantur Fides, Spes, & Caritas; quæ in hoc mysterio maximè videntur. Hæc Amalar. lib. 4. cap. 23. Vel dicamus cum Rupert. lib. 8. cap. 2. in nomine S. Trinitatis celebratū esse baptisma; & ideo tres dici Psalmos; tres autem Lectiones, quia adhuc pauci prædicatores erant, inquit idem lib. 1. cap. 10. Vel triduanam sepulturam recolimus, ex qua Resurrectio ortum habuit, Duran. lib. 6. cap. 87. Certe antiquum esse hunc ritum testatur, & firmavit Decreto Greg. VII. de consecratione, distinct. 5. *In die.*

2 Non dicitur Hymnus, neque ad alias Horas, quia tempus Paschale significat statum Beatorum, quorum Hymnus est, *Alleluia.* Duran. loco cit.

3 Antiphonæ ad Laudes habentur in Breuiar. M. S. antiquis. Capitulum non dicitur, neque ad Horas: quia in statu Beatorum non est locus exhortationi, quam alias diximus contineri in Capitulis. Ex quo consequenter non dicitur Responsorium breue, ut notat Dur. loco cit. sunt enim correlativa in Horis minoribus Capitulum, & breve Responsorium sive exhortatio, & opus bonum, quæ in illis significantur, ut docuimus Sect. 5. neque sunt comprehensorum, sed tantum viatorum.

4 Non dicuntur Versus, nisi in Nocturno, ob eamdem causam; cum significant excitationem animorum, & conversionem ad Deum. in Nocturno dici-

tur; quia in nocte timor adest, ait Amal. de ord. Antiph. cap. 52. & ob facilem noctis somnum cum Versu fugandus est animorum torpor.

5 *Hæc dies*, loco prædictorum dicitur; qui Versus desumptus est e Psalmo, cui Titulus est, *Alleluia*, ut notat Ruper. lib. 7. cap. 11. Ordo Romanus eumdem Versum habet, & significat letitiae magnitudinem, ex Rup. lib. 8. c. 12. & quod in statu Beatorum sibi inuicem gaudent, & gratulantur, Gemma lib. 3. cap. 128.

6 Non dicitur ad Primam Symbolum Athanasij; quia in statu Beatorum non est fides, Gemma loco citato, qui status repræsentatur in Christi resurrectione.

7 Vesperæ in Ordine Rom. diuidebantur, ita ut duo ultimi Psalmi, *Laudate Pueri*, & *In Exitu*, cantarentur ad Fontes Baptismales, in quibus baptizati facti sunt pueri, & quasi per Mare rubrum transfeentes exierunt de Ægypto. sed vbi non erant Fontes, cantabantur sine diuisione. Duran. lib. 6. cap. 89.

8 Feriæ 2. & 3. sunt Festa maiora, quorum meminit Aug. 22. *Cinuit. Dei* cap. 8. & in his, & in sequentibus diebus eadem dicuntur, quæ in die primo; quia, ut alias dictum est, octo dies in Octaua una dies sunt; unde & dicitur quotidie; *Hæc dies.* Ordo Rom. eumdem habet ritum præscribes Homiliam singulis diebus; quem restituit Pius Quintus addens Homiliam Feriæ tertiaræ, in qua paulò ante Pium legebatur Sermo Sancti Augustini; & item Feriæ sextæ, in qua Sermo Sancti Ambrosij legebatur.

De Tempore Paschali. Cap. XV.

1 **I**N Dominica in Albis resumuntur plures Psalmi & Hymni, ex Ord. Rom. vbi additur etiam causa. Deinde, inquit, in sequenti tempore quasi crescetium arborum frondes multiplicantur Psalmi, & recoluntur mores boni diuorum operum per plures Psalmos. Idem asserit de nouem Lectionibus in hac Dominica, Gemma lib. 4. cap. 117. Ad Primum non dicitur Psalmus; *Confitemini*, licet

licet sic Paschalis, mox festorum, quia tempus Paschale totum est festuum, etiam in officio feriali.

2 In secunda Feria leguntur Actus Apostolorum ex decreto Gelalij, & Ordine Romano, indicat August. in Sermone citato à Demochare tomo 4. cap. 12. scripsit Lucas Romæ eadem Acta anno 61. Neronis quinto, ex Baron. ad eundem Annum.

3 Psalmi dicuntur hoc tempore, Feriales præsertim sub vna Antiphona, Alleluias ex Gemma loco citato, quia sicut ex Ordine Romano paulò ante diximus, multiplicantur Psalmi, quasi arborum frondes, ita ab vna Antiphona, quasi ab vna radice congrue pendent. Vide Secl. 5. cap. 7. num. 5. pag. 59. aliam causam. Ad Laudes ijdem tempore Psalmi dicuntur, ex Gemma loco citato, & commemoratione de sola Cruce fit in Breuiarijs M. S. antiquis; quia fuit causa letitiae Paschalis, inquit Azor. lib. 10. c. 16. Et quia Christus ipse ad gloriam Crucis vulnera retinuit, ab ea, vel in ea eidem inficta, que passim Apostolis, & alijs ostendit his diebus. Oratio vero de Cruce defumpta est ex Sacramentario S. Gregorij sed est Ambrosiana, ut dictum est, Tomo primo.

4 In Dominica secunda post Pascha continuatur Lectio Actuum Apostolorum, quia est exemplaris, cum antiqui legerent in hac, & sequenti Dominica, Apocalypsim, usque ad Annum 1550. & Responsoria congruent Lectionibus, repetita in tribus Hebdomadibus, tanquam propria Resurrectionis eius, qui tercia die resurrexit.

5 Dominica tercia legitur Apocalypsis, quæ scripsit Ioan. Apostolus in Pathmos, ad quam Insulam relegatus fuit à Domitiano, Anno decimo eius Imperij, & 14. eiusdem eam scripsit, qui fuit Annus Christi 97. ex Baronio eodem Anno in Annal.

6 In Dominica quarta legitur Epistola Iacobii, quam Eusebius lib. 2. hist. cap. 22. appellat primam eorum, que Catholicæ nominantur, non quod Iacobus ante Petrum scripsit, sed quia in Canone pri-

ma collocatur. Obiit ille Anno 63. ex Baronio, & facile eam scripsit occasione Hæresum Simonis Magi. Responsoria Daudica habentur apud Amalar. de ord. Antiphon. cap. 54. Quod si hæc Dominicæ occurrat die 2. Maij, cum pridie legi debeat initium Epistole Iacobi ob eisdem Festum, legantur in hac Dominicæ Lectiones Fer. 2. sequentis, ad varietatem, ut decretum est in postrema Breuiarij recognitione.

7 In Dom. quinta legitur Epistola prima S. Petri, scripta An. 45, cum esset Romæ, quam in fine Epistole, more illorum temporum ab Apostolis visitato, Babylonē appellat, & hæc de Dominicis post Pascha, in quibus cur legantur Apostolica facta, & scripta, præter Gelalij Decretum, addit causam Ruper. lib. 10. cap. vii. quia virtute magna reddidejut Apostoli testimonium Resurrectionis Christi. Orationes à Dominicæ secunda ad quintam sunt aliae à Missis, quæ habentur in Sacramentario Gregoriano.

De Litanij majoribus, & minoribus.

Cap. XVI.

1 Si occurrant Litanie maiores in Paschate, quod accidit Anno 1666. & quādo littera Dominicalis est C. & Epacta xxv. vel xxiv. vt videre est in Tabula nostra 35. Ordinis perpetui, eo casu trâferendæ sunt in Feriam tertiam ex Decreto S. Rituum Congr. die 25. Septemb. 1627. cum Procesione, in diem quidem Festum, vt populus adsit, non in die Paschatis, ne populus impeditur à cōmuniōne Paschali, neuerū tristari videatur, vel minimum, in tanta solemnitate, colore violaceo adhibito, & Missa cantata de luctu: & consequenter Litanie à priuatis in eadem Feria recitande erunt.

2 Alias nō habebatur in Breuiario officiū de Rogationibus, sed Missa tātū dicebatur. Nunc autem Homilia legitur super Euangeliū Missæ, & dicitur in officio Oratio Missæ, quæ habetur in Sacramentario Gregor. De Feria tercia Rogationum nulla fit in officio de Feste, etiam Simplici, commemoratio.

G 4 3 Qui